


日本書紀卷第六

		二〇	和
		二二	書
		二三	門
一	一	二	
五	一	六	
冊	架	函	類

二七〇	二〇	和
函	二二	書
一〇	二三	
架	六	
	冊	類

內閣文庫	
番號	和 20236
冊數	15 (6)
函號	270 30



日本書紀卷第十一

大鷦鷯天皇

仁德天皇

大鷦鷯天皇譽田天皇之第四子也母曰仲姬

命五百城入彦皇子之孫也天皇幼而聰明教

智貌容美麗及壯仁寬慈惠四十一年春二月

譽田天皇崩時太子菟道稚郎子讓位于大鷦

鷦尊未即帝位仍諮大鷦鷯尊夫君天下以治

萬民者蓋之如天容之如地_{ハヤクオホクニ}上有驩心_{ハヤクオホクニ}以使百

日本書紀十一

姓百姓欣然天下安矣今我也弟之且文獻不足何敢繼嗣位登天業乎大王者風姿岐嶷仁孝遠聆以齒且長足為天下之君其先帝立我為太子豈有能才乎唯愛之者也亦奉宗廟社稷重事也僕之不佞不足以稱夫昆上而季下聖君而愚臣古今之常典焉願王勿疑須臾即位我則為臣之助耳大鷦鷯尊對言先皇謂皇位者一月之不可空故預選明德立王為貳祚

之以嗣授之以民崇其寵章令聞於國我雖不賢豈棄先帝之命輒從弟王之願乎固辭不義各相讓之是時額田大中彥皇子將掌倭屯田及屯倉而謂其屯田司出雲臣之祖游宇宿祢曰是屯田者自本山守地是以今吾將治矣爾之不可掌時游宇宿祢啓于皇太子皇太子謂之曰汝便啓大鷦鷯尊於是游宇宿祢啓大鷦鷯尊曰臣所任屯田者大中彥皇子距不令治

大鷦鷯尊問倭直祖麻呂曰倭屯田者元謂山
守地是如何對言臣之不知唯臣弟吾子籠知
也適是時吾子籠遣於韓國而未還爰大鷦鷯
尊謂滋宇曰爾躬往於韓國以喚吾子籠其兼
日夜而急往乃差淡路之海人八十為水手爰
滋宇往于韓國即率吾子籠而來之因問倭屯
田對言傳聞之於纏向玉城宮御宇天皇之世
科太子大足彥尊定倭屯田也是時勅旨凡倭

屯田者每御宇帝皇之屯田也其雖帝皇之子
非御宇者不得掌矣是謂山守地非之也時大
鷦鷯尊遣吾子籠於額田大中彥皇子而令知
狀大中彥皇子更無如何焉乃知其惡而赦之
勿罪然後大山守皇子每恨先帝廢之非立而
重有是怨則謀之曰我殺太子遂登帝位爰大
鷦鷯尊預聞其謀密告太子備兵令守時太子
設兵待之大山守皇子不知其備兵獨領數百

兵士夜半爰而行之會明詣菟道將渡河時太
子服布袍取楫櫓密接度子以載大山守皇子
而濟至于河中詭度子蹈船而傾於是太山守
皇子隨河而沒更浮流之歌曰知破挪臂苦于
旄能和多利弭佐烏刀利弭破挪鷄務臂苦辞
和餓毛胡弭虛務然伏兵多起不得著岸遂沈
而死焉令求其屍於考羅濟時太子視其屍
歌之曰智破挪臂等于泥能和多利弭和多利

涅珥多氏屢阿豆瑳由淤摩由弥伊枳羅牟苦
虛虛呂破望閉耐伊斗羅牟苦虛虛呂破望閉
耐望苦弊破枳淤烏於望臂泥須惠弊破伊暮
烏於望比泥伊羅那鷄區魯虛珥於望比伽那
志鷄區虛虛珥於望臂伊枳羅儒層區屢阿豆
瑳由淤摩由淤乃葬于那羅山既而興宮室於
菟道而居之猶由讓位於大鷲鷄尊以久不即
皇位爰皇位空之既經三載時有海人贖鮮魚

之苞苴獻于菟道官也太子令海人曰我非天
皇乃返之令進難波大鷦鷯尊亦返以令獻菟
道於是海人之苞苴獻於往還更返之取他鮮
魚而獻焉讓如前日鮮魚亦獻海人苦於屢還
乃棄鮮魚而哭故諺曰有海人耶因已物以泣
其是之緣也太子曰我知不可奪兄王之志豈
久生之煩天下乎乃自死焉時大鷦鷯尊聞太
子薨以驚之從難波馳之到菟道官爰太子薨

之經三日時大鷦鷯尊擗叫哭不知所如乃
解髮跨屍以三呼曰我弟皇子乃應時而活自
起以居爰大鷦鷯尊語太子曰悲兮惜兮何所
以歟自逝之若死者有知先帝何謂我乎乃太
子啓兄王曰天命也誰能留焉若有向天皇之
御所具奏兄王聖之且有讓矣然聖王聞我死
以急馳遠路豈得無勞乎乃進同母妹八田皇
女曰雖不足納絲僅死掖庭之數乃且伏棺而

薨於是大鷦鷯尊素服為之發哀哭之甚慟仍
 葬於菟道山上
 元年春正月丁丑朔己卯大鷦鷯尊即天皇位
 尊皇后曰皇太后都難波是謂高津宮即官垣
 室屋弗聖色也楠梁柱楹弗藻飭也茅茨之蓋
 弗剖齊也此不以私曲之故留耕績之時者也
 初天皇生日木菟入于產殿明且譽田天皇喚
 大臣武内宿禰語之曰是何瑞也大臣對言吉

祥也復當昨日臣妻產時鷦鷯入于產屋是亦
 異焉爰天皇曰今朕之子與大臣之子同日共
 產兼有瑞是天之表焉以為取其鳥名各相易
 名子為後葉之報也則取鷦鷯名以名太子曰
 大鷦鷯皇子取木菟名号大臣之子曰木菟宿
 禰是平群臣之始祖也是年也大歲癸酉
 二年春三月辛未朔戊寅立磐之媛命為皇后
 后生大兄去來穗別天皇佳吉仲皇子瑞齒別

天皇雄朝津間稚子宿祢天皇又妃日向髮長
媛生大草香皇子幡梭皇女
四年春二月己未朔甲子詔羣臣曰朕登高臺
以遠望之烟氣不起於域中以為百姓既貧而
家無炊者朕聞古聖王之世人人誦詠德之音
家家有康哉歌今朕臨億兆於茲三年頌音不
聆炊烟轉踈即知五穀不登百姓窮乏也封畿
之內尚有不給者况乎畿外諸國耶三月己丑

朔己酉詔曰自今之後至于三載悉除課役息
百姓之苦是日始之黼衣鞋履不弊盡不更為
也温飯煖羹不酸餒不易也削心約志以從事
乎無為是以官垣崩而不造茅茨壞以不膏風
雨入隙而沾衣被星辰漏壞而露床蓐是後風
雨順時五穀豐穰三稔之間百姓富寬頌德既
滿炊烟亦繁
七年夏四月辛未朔天皇居臺上而遠望之烟

氣多起是日語皇后曰朕既富矣豈有愁乎皇
右對諮何謂富焉天皇曰烟氣滿國百姓自富
歟皇后且言宮垣壞而不得修殿屋破之衣被
露何謂富乎天皇曰其天之立君是為百姓然
則君以百姓為本是以古聖王者一人飢寒願
之責身今百姓貧之則朕貧也百姓富之則朕
富也未之有百姓富之君貧矣秋八月己巳朔
丁丑為大兄去來總別皇子定壬生部亦為皇

右定葛城部九月諸國悉請之曰課役並免既
經三年因此以宮殿朽壞府庫已空今黔首富
饒而不拾遺是以里無鰥寡家有餘儲若當此
時非貢稅調以修理官室者懼之其獲罪于天
乎然猶忍之不聽矣
十年冬十月甫科課役以搆造官室於是百姓
之不領而扶老携幼運材負簣不問日夜竭力
爭作是以未經幾時而官室悉成故於今稱聖

帝也

十一年夏四月戊寅朔甲午詔群臣曰今朕視是國者郊澤曠遠而田圃少乏且河水橫逆以流未不駛聊逢霖雨海潮逆上而巷里乘船道路亦逆故羣臣共視之決橫源而通海塞逆流以全田宅冬十月掘宮北之郊原引南水以入西海因以号其水曰掘江又將防北河之滂以築茨田堤是時有两處之築而乃壞之難塞時

天皇夢有神誨之曰武藏人強頸河内人茨田

連衫子

衫子此云昔呂母能古

二人以祭於河伯必獲塞

則覓二人而得之因以禱于河神爰強頸泣悲

之沒水而死乃其堤成焉唯衫子取全匏兩箇

臨于難塞水乃取兩箇匏投於水中請之曰河

神崇之以吾為幣是以今吾來也必欲得我者

沉是匏而不合泛則吾知真神親入水中若不

得沈匏者自知偽神何徒亡吾身於是飄風忽

起引匏没水匏轉浪上而不沈則滄滄沈以遠
流是以衫子雖不死而其堤且成也是因衫子
之幹其身非亡耳故時人号其兩處曰強頸斷
間衫子斷間也是歲新羅人朝貢則勞於是役
十二年秋七月辛未朔癸酉高麗國貢鐵省鐵
的八月庚子朔己酉饗高麗客於朝是日集群
臣及百寮令射高麗所獻之鐵省的諸人不得
通的唯的臣祖省人宿祢射鐵的通焉時高麗

客等見之畏其射之勝巧共起以并朝明日美
省人宿祢而賜名曰的戶田宿祢同日小泊瀬
造祖宿祢臣賜名曰賢遺賢遺此云尤能苜里臣也冬
十月堀大溝於山背粟隈縣以潤田是以其百
姓每豐年也

十三年秋九月始立茨田屯倉因定春米部冬
十月造和珥池是月築橫野堤
十四年冬十一月為橋於猪甘津即号其處曰

小橋也是歲作大道置於京中自南門直指之
至丹比邑又堀大溝於感致乃引石河水而潤
上鈴鹿下鈴鹿上豐浦下豐浦四處郊原以墾
之得四萬餘頃之田故其處百姓寬饒之無凶
年之患

十六年秋七月戊寅朔天皇以宮人桑田玖賀
媛示近習舍人等曰朕欲愛是婦女苦皇后之
妬不能合以經多年何徒棄其盛年乎即歌曰

涿難曾虛赴於涿能烏苦咩烏多例挪始儺播
勢於是播磨國造祖速待獨進之歌曰涿箇始
報破利摩波挪摩智以播區娜輸伽之古俱等
望阿例挪始儺破務即日以玖賀媛賜速待明
日之夕速待詣于玖賀媛之家而玖賀媛不和
乃強近惟內時玖賀媛曰妾之寡婦以終年何
能為君之妻乎於是天皇聞之欲遂速待之志
以玖賀媛副速待送遣於桑田則玖賀媛發病

死于道中故於今有致賀媛之墓也

十七年新羅不朝貢秋九月遣的臣祖砥田宿

衿小泊瀨造祖賢遺臣而問闕貢之事於是新

羅人懼之乃貢獻調絹一千四百六十疋及種

種雜物并八十艘

二十二年春正月天皇語皇后曰納八田皇女

將為妃時皇后不聽爰天皇歌以乞於皇后曰

于磨臂苦能多菟屢虛等太乙于磋由豆流多

由磨免餓務珥奈羅陪乙毛餓望皇后答歌曰

虛呂望虛曾赴多弊茂豫耆瑳由迺虛烏那羅

陪務耆泚破箇辞古耆呂箇茂天皇又歌曰於

辭乙屢那珥破能瑳耆能那羅弭破萃那羅陪

勢苦虛層曾能古破阿利鷄梅皇后答歌曰那

菟務始能譬務始能虛呂望赴多弊耆乙箇區

泚夜儻利破阿珥豫區望阿羅儒天皇又歌曰

阿佐豆磨能避箇能為瑳箇烏箇多那耆珥泚

致喻區茂能茂多思壁氏序豫枳皇后遂謂不
聽故默之亦不答言モノウシタハ
ニコタヘシタ
三十年秋九月乙卯朔乙丑皇后遊行紀國到
熊野岬即取其處之御網葉葉此云
箇始波而還於是
日天皇伺皇后不在而娶八田皇女納於宮中
時皇后到難波濟聞天皇合八田皇女而大恨
之則其所採御網葉投於海而不著岸故時人
号散葉之海曰葉濟也爰天皇不知皇后忿不

著岸親幸大津待皇后之船而歌曰那瑪波譬
苜須儒赴泥苜羅齊許辭那豆泐魯能赴尼苜
羅齊於朋泐赴泥苜禮時皇后不泊于大津更
引之泐江自山背迴而向倭明日天皇遣舍人
鳥山令還皇后乃歌之曰夜苜之呂瑪伊辭鷄
苜利夜苜伊辭鷄之鷄阿餓茂赴免摩瑪伊辭
枳阿波牟伽茂皇后不還猶行之至山背河而
歌曰免藝泥赴挪苜之呂餓波鳥箇破能朋利

淀小餓能朋例磨箇波區菴珥多知瑳箇踰屢毛
毛多羅儒挪素麼能紀破於朋耆泚呂箇茂即
越那羅山望葛城歌之曰菟藝泥赴挪菴之呂
餓波烏泚挪能朋利和餓能朋例麼阿烏珥須
辞儼羅烏輸疑烏陀凶夜菴苦烏輸疑和餓泚
餓朋辞區珥波箇豆羅紀多伽泚挪和藝弊能
阿多利更還山背興宮室於箇城岡南而居之
冬十月甲申朔遣的臣祖口持臣喚皇后和珥云

臣祖口爰口持臣至箇城宮雖謁皇后而默之
不荅時口持臣沾雪雨以經日夜伏于皇后殿
前而不避於是口持臣之妹國依媛仕于皇后
適是時侍皇后之側見其兄沾雨而流涕之歌
曰挪菴辞呂能菟菟紀能泚挪珥茂能菴烏輸
和餓齊烏泚例麼那泚多愚摩辭茂時皇后謂
國依媛曰何爾泣之對言今伏庭請謁者妾兄
也沾雨不避猶伏將謁是以泣悲耳時皇后謂

之曰告汝兄令速還吾遂不返焉口持則返之
復奏于天皇十一月甲寅朔庚申天皇浮江幸
山背時桑枝泂水而流之天皇視桑枝歌之曰
免怒嗟破赴以破能臂謎餓飲明呂伽珥枳許
嗟怒于羅愚破能紀豫屢麻志枳箇破能區菴
愚菴豫呂朋譬喻玖伽茂于羅愚破能紀明日
乘輿詣于筒城宮喚皇右皇后不參見時天皇
歌曰菟藝泥赴挪摩之呂謎能許又波茂知于

智辭於朋泥佐和佐和珥儼餓伊斂并劑虛魯于
知和多須那餓波曳儼須企以利摩韋區例亦
歌曰菟藝泥赴夜菴之呂謎能許玖波茂知于
智辭於朋泥泥士漏能辭漏多娜武枳摩箇儒
鷄麼虛魯辭羅儒等茂伊波梅時皇右令奏言
陛下納八田皇女為妃其不欲副皇女而為后
遂不奉見乃車駕還宮天皇於是恨皇后大忿
而猶有戀思

レノヒ オムホス
オハレニストオキキ

三十一年春正月癸丑朔丁卯立大兄去來穗
別尊為皇太子

三十五年夏六月皇后磐之媛命薨於筒城宮

三十七年冬十一月甲戌朔乙酉葬皇后於那

羅山

三十八年春正月癸酉朔戊寅立八田皇女為

皇后秋七月天皇與皇后居高臺而避暑時每

夜自兔餓野有聞鹿鳴其聲寒亮而悲之共起

可憐之情及月盡以鹿鳴不聆爰天皇語皇后

曰當是夕而鹿不鳴其何由焉明日猪名縣佐

伯部獻苞苴天皇令膳夫以問曰其苞苴何物

也對言牡鹿也問之何處鹿也曰兔餓野時天

皇以為是苞苴者必其鳴鹿也因謂皇后曰朕

比有懷抱聞鹿聲而慰之今推佐伯部獲鹿之

日夜及山野即當鳴鹿其人雖不知朕之愛以

適逢彌獲猶不得已而有恨故佐伯部不欲近

於皇居乃令有司移鄉于安藝淳田此今淳田
佐伯部之祖也俗曰昔有一人往免餓宿于野
中時二鹿卧傍將及鷄鳴牡鹿謂牝鹿曰吾今
夜夢之白霜多降之覆吾身是何祥焉牝鹿荅
曰汝之出行必為人見射而死即以白鹽塗其
身如霜素之應也時宿人心裏異之未及昧爽
有獵人以射牡鹿而殺是以時人諺曰鳴牡鹿
矣隨相夢也

四十年春三月納鷓鴣鳥皇女欲為妃以隼別皇
子為媒時隼別皇子密親娶而久之不復命於
是天皇不知有夫而親臨雌鳥皇女之殿時皇
女織縑女人等歌之曰比佐箇多能阿梅箇能
麼多謎廼利餓於瑠箇能麼多波挪步佐和氣
能跡於須譬賊泥爰天皇知隼別皇子密婚而
恨之然重皇后之言亦敦于支之義而忍之勿
罪俄而隼別皇子枕皇女之膝以卧乃語之曰

孰捷鵞鷓與隼焉曰隼捷也乃皇子曰是其所
先也サキテ天皇聞是言更亦起恨時隼別皇子之舍
人等歌曰破夜步佐波阿梅珥能朋利等珥箇
慨梨伊菟岐餓宇倍能婆聿岐等羅佐泥天皇
聞是歌而勃然大怒之曰朕以私恨不欲失親
忍之也何豐矣私事將及于社稷則欲殺隼別
皇子時皇子率雌鳥皇女欲納伊勢神宮而馳
於是天皇聞隼別皇子逃走即遣吉備品遲部

雄鯽播磨佐伯直阿俄能胡曰追之所逮即殺
爰皇后奏言雌鳥皇女寔當重罪然其殺之曰
不欲露皇女身乃因勅雄鯽等莫取皇女所賣
之足玉手玉雄鯽等追之至菟田迫於素珥山
時隱草中僅得免急走而越山於是皇子歌曰
破始多凶能佐餓始枳挪摩茂和藝毛古等赴
馱利古喻例麼挪須武志呂箇茂爰雄鯽等知
免以急追及于伊勢蔭代野而殺之時雄鯽等

探皇女之玉自裳中得之乃以二王屍埋于廬
杵河邊而復命皇后令問雄鯽等曰見皇女之
玉乎對言不見也是歲當新嘗之月以宴會且
賜酒於内外命婦等於是近江山君稚守山妻
與采女磐坂媛二女之手有纏良珠皇后見其
珠既似雌鳥皇女之珠則疑之命有司問其玉
所得之由對言佐伯直阿俄能胡之妻王也仍
推鞠阿俄能胡對曰誅皇女之日探而取之即

將殺阿俄能胡於是阿俄能胡乃獻已之私地
請免死故納其地赦死罪是以号其地曰玉代
四十一年春三月遣紀角宿祢於百濟始分國
郡壇場具錄鄉土所出是時百濟王之孫酒君
无禮由是紀角宿祢訶責百濟王百濟王懼之
以鐵鎖縛酒君附襲津彦而進上爰酒君來則
逃匿于石川錦織首許呂斯之家則欺之曰天
皇既赦臣罪故寄汝而活焉久之天皇遂赦其

古武等難波企箇輸擲武内宿祢カハシメ歌曰夜輸
涿始之和我於朋枳涿波于陪讎于陪讎和例
烏斗波輸讎阿企菟辞摩擲葦等能俱珥珥箇
利古武等和例破枳箇儒

五十三年新羅不朝夏五月遣上毛野君祖
竹葉瀨タカハシ令問其闕ツマミ夏五月遣上毛野君祖
之獻于天皇更改日而行俄且重遣竹葉瀨之
弟田道則詔之曰若新羅距者舉兵擊之仍授

精兵新羅起兵而距之爰新羅人日日挑戰田
道固塞而不出時新羅軍卒一人有放于營外
則掠俘之因問消息對曰有強力者曰百衝輕
捷猛幹每為軍右前鋒故伺之擊左則敗也時
新羅空左脩右於是田道連精騎擊其左新羅
軍潰之因縱兵乘之殺數百人即虜四邑之人
民以歸焉
五十五年蝦夷叛之遣田道令擊則為蝦夷所

敗以死于伊寺水門時有從者取得田道之手
纏與其妻乃抱手纏而縊死時人聞之流涕矣
是後蝦夷亦襲之略人民因以掘田道墓則有
大蛇發瞋目自墓出以咋蝦夷悉被蛇毒而多
死亡唯一二人得免耳故時人云田道雖既亡
遂報讎何死人之無知耶

五十八年夏五月當荒陵松林之南道忽生兩
歷木挾路而末合冬十月吳國高麗國並朝貢

六十年冬十月差白鳥陵守等充役丁時天皇
臨于役所爰陵守目杵忽化白鹿以走於是天
皇詔之曰是陵自本空故欲除其陵守而甫差
役丁今視是恠者甚懼之無動陵守者則且授
土師連等

六十二年夏五月遠江國司表上言有大樹自
大井河流之渟于河曲其大十圍本一以末兩
時遣倭直吾子籠令造船而自南海運之將來

于難波津以充御船也。是歲額田大中彥皇子
獵于鬪鷄時，皇子自山上望之，瞻野中有物，其
形如廬，仍遣使者令視。還來之曰：窟也。因喚鬪
鷄，稍置大山，主問之曰：在其野中者何窟矣？啓
之曰：冰室也。皇子曰：其藏如何？亦奚用焉？曰：掘
土丈餘，以草蓋其上，敦敷藁，菽取冰以置其上。
既經其月而不泮，其用之即當。熱月漬水酒以
用也。皇子則將來其冰獻于御所，天皇歡之。自

是以後每當季冬必藏冰，至春分始散冰也。
六十五年飛驒國有一人曰宿儺，其為人壹體
有兩面，面各相背，項合無項，各有手足，其有膝
而無臆，踵力多以輕捷，左右佩劍，四手並用弓
矢。是以不隨皇命，掠略人民為樂。於是遣和珥
臣祖難波根子武振熊而誅之。
六十七年冬十月庚辰朔甲申，幸河内石津原
以定陵地，丁酉始築陵。是日有鹿忽起野中走

之入^テ役^ニ氏^ノ之中^ニ而仆^リ死^ス時^ニ異^ニ其^ノ忽^ニ死^ス以^テ探^ル其^ノ瘡^ヲ
即^チ百^モ舌^ス鳥^ノ自^レ耳^ニ出^テ之^ヲ飛^ビ去^ル因^テ視^ル耳^中悉^ク咋^リ割^リ剥^ク
故^ニ號^ス其^ノ處^ヲ曰^ハ百^モ舌^ス鳥^ノ耳^ノ原^ト者^ニ其^レ是^レ之^ノ緣^也是^レ歲^ニ
於^テ吉^備中^國川^ノ鳴^河派^ニ有^リ大^ノ虬^ノ令^レ苦^シ人^ノ時^ニ路^ノ人^ニ
觸^レ其^ノ處^ニ而^シ行^ハ必^ズ被^レ其^ノ毒^ヲ以^テ多^ク死^亡於^テ是^ニ笠^臣祖^ノ
縣^守爲^リ人^ノ勇^悍而^シ強^ク力^ヲ臨^テ派^ニ淵^ニ以^テ三^ノ全^ク瓠^ヲ投^テ水^ニ
曰^ク汝^ハ屢^ク吐^キ毒^ヲ令^レ苦^シ路^ノ人^ノ余^ハ殺^ス汝^ヲ虬^ノ汝^ハ沉^ム是^レ瓠^ノ則^チ
余^ハ避^ル之^ヲ不^レ能^ク沈^ム者^ニ仍^チ斬^ル汝^ノ身^ヲ時^ニ水^ハ亂^リ化^シ鹿^ト以^テ引^ク

入^テ瓠^ヲ瓠^ハ不^レ沈^ム即^チ舉^テ劍^ヲ入^テ水^ニ斬^ル虬^ヲ更^ニ求^ル虬^ノ之^ノ黨^ヲ
乃^チ諸^ノ虬^ノ族^ヲ滿^テ淵^ノ底^ニ之^ノ岫^ノ穴^ニ悉^ク斬^ル之^ヲ河^ノ水^ハ變^シ血^ト故^ニ
号^ス其^ノ水^ヲ曰^ク縣^守淵^也也^ニ當^テ此^ノ時^ニ妖^ノ氣^ハ稍^ク動^ク叛^ル者^一
二^{フタ}始^テ起^ル於^テ是^ニ天^ノ皇^ハ夙^ク興^リ夜^ニ寐^シ輕^ク賦^シ薄^ク斂^シ以^テ寬^ク民^ヲ
萌^レ布^ク德^ヲ施^ス惠^ヲ心^ヲ振^テ困^ヲ窮^ヲ吊^シ死^ヲ問^フ疾^ヲ以^テ養^フ孤^ヲ孀^ヲ是^レ
以^テ政^ヲ令^ヲ流^シ行^ク天^ノ下^ニ太^平二^十餘^ノ年^ヲ無^シ事^矣
八^十七^ノ年^ニ春^ニ正^月戊^子朔^ニ癸^卯天^ノ皇^ハ崩^ス冬^ニ十^月
癸^未朔^ニ巳^丑葬^ス于^テ百^舌鳥^野野^陵

日本書紀卷第十一終

日本書紀卷第十一終
(以下為極淡化的隱文，內容難以辨認)

日本書紀卷第十二

去來穗別天皇

履中天皇

瑞齒別天皇

反正天皇

去來穗別天皇

履中天皇

去來穗別天皇大鷦鷯天皇太子也

去來此云伊弉母

日磐之媛命葛城襲津彥女也大鷦鷯天皇三

十一年春正月立為皇太子

時年十五

八十七年春正月大鷦鷯天皇崩皇太子自諒
闇出之未即尊位之間以羽田矢代宿祿之女
黑媛欲爲妃納采既訖遣住吉仲皇子而告吉
日時仲皇子冒太子名以對黑媛是夜仲皇子
忘手鈴於黑媛之家而歸焉明日之夜太子不
知仲皇子自對而到之乃入室開帳居於玉床
時床頭有鈴音太子異之問黑媛曰何鈴也對
曰昨夜之非太子所賞鈴乎何更問妾太子自

知仲皇子冒名以對黑媛則默之避也爰仲皇
子畏有事將殺太子密與兵圍太子宮時平群
木免宿祿物部大前宿祿漢直祖阿知使主三
人啓於太子太子不信辭以不起故三人扶太
子令乘馬而逃之云大前宿祿仲皇子不知
太子不在而焚太子宮通夜火不滅太子到河
內國埴生坂而醒之願望難波見火光而大驚
則急馳之自大坂向倭至于飛鳥山遇少女於

山口問之曰此山有人乎對曰執兵者多滿山
中宜迴タキリカハテ自當摩徑タキキマ踰之太子於是オモホサク以為ヲトメ聆少女
言而得免オホシ難則歌之曰於朋佐箇珥阿布夜烏
等謎烏游知度沛麼哆駄珥破能邏孺哆嶧摩
知烏能流則更還之チツクヨホリ發當縣兵令從身自龍田
山踰之時有數十人執兵追來者太子遠望之
曰其彼來者誰人也何步行急之若賊人乎因
隱山中而待之チカキヌス近則遣一人問曰曷人且何處

往矣對曰淡路野嶋之海人也阿曇連濱子云
阿曇連アトム為仲皇子令追太子於是出伏兵圍之
悉捕得當是時倭直吾子籠素好仲皇子預知
其謀密聚精兵數百於攬食粟林為仲皇子將
拒太子時太子不知兵塞而出山行數里兵衆
多塞不得進行乃遣使者問曰誰人也對曰倭
直吾子籠也便還問使者曰誰使焉曰皇太子
之使時吾子籠憚其軍衆多在乃謂使者曰傳

聞皇太子有非常之事將助以備兵待之然太子疑其心欲殺則吾子籠愕之獻已妹日之媛仍請赦死罪乃免之其倭直等貢采女蓋始于此時歟太子便居於石上振神宮於是瑞齒別皇子知太子不在尋之追詣然太子疑弟王之心而不喚時瑞齒別皇子令詣曰僕無黑心唯愁太子不在而參赴耳爰太子傳告弟王曰我畏仲皇子之逆獨避至於此何且非疑汝耶其

仲皇子在之獨猶為我病遂欲除故汝寔勿黑心更返難波而殺仲皇子然後乃見焉瑞齒別皇子啓太子曰大人何憂之甚也今仲皇子無道群臣及百姓共惡之復其門下人皆叛為賊獨居之無與誰議臣雖知其逆未受太子命之故獨慷慨之耳今既被命豈難於殺仲皇子乎唯獨懼之既殺仲皇子猶且疑臣歟冀見得忠直者欲明臣之不欺太子則副本菟宿祿而

日本書紀卷之二十一

四

遣焉ツカハシ爰瑞齒別皇子歎之曰今太子與仲皇子
並兄也誰從矣誰非矣然亡無道就有道其誰
疑我則詣于難波伺仲皇子之消息仲皇子思
太子已逃亡而無備時有近習隼人曰刺領巾
瑞齒別皇子陰喚刺領巾而誑之曰爲我殺皇
子吾必敷報汝乃脫錦衣禪與之刺領巾恃其
誑言獨執矛以伺仲皇子入廁而刺殺即誅于
瑞齒別皇子於是木菟宿祿啓於瑞齒別皇子

曰刺領巾爲人殺已君其爲我雖有大功於已
君無慈之甚矣豈得生乎乃殺刺領巾即日向
倭也夜半臻於石上而復命於是喚弟王以敷
寵仍賜村合屯倉是日捉阿曇連濱子
元年春二月壬午朔皇太子即位於磐余稚櫻
宮夏四月辛巳朔丁酉召阿曇連濱子詔之曰
汝與仲皇子共謀逆將傾國家罪當于死然垂
大恩而免死科墨即日黥之因此時人曰阿曇

日本紀十三
目亦免從濱子野嶋海人等之罪役於倭蔭代
也。倉秋七月己酉朔壬子立葦田宿祢之女黑
媛爲皇妃。妃磐坂市邊押羽皇子。御馬皇子。青
海皇女。一日飯次妃幡梭皇女生中磯皇女。是
年也。太歲庚子。

二年春正月丙午朔己酉立瑞齒別皇子爲儲
君。冬十月都於磐余。當是時乎羣木菟宿祢蘇
賀滿智宿祢物部伊苜佛大連圓。圓此云大使。大豆夫羅

主共執國事十一月作磐余池。

三年冬十一月丙寅朔辛未天皇泛兩枝船于
盤余市磯池與皇妃各分乘而遊宴膳臣余磯
獻酒時櫻花落于御盞天皇異之則召物部長
真膽連詔之曰是花也非時而來其何處之花
矣汝自可求於是長真膽連獨尋花獲于掖上
室山而獻之天皇歡其希有即爲宮名故謂磐
余稚櫻宮其此之緣也是日改長真膽連之本

姓曰稚櫻部造又号膳臣余磯曰稚櫻部臣

四年秋八月辛卯朔戊戌始之於諸國置國史

記言事達四方志冬十月堀石上溝

五年春三月戊午朔於筑紫所居三神見于宮

中言何奪我民矣吾今慚汝於是禱而不祠秋

九月乙酉朔壬寅天皇狩于淡路嶋是日河内

飼部等從駕執轡先是飼部之黥皆未差時居

嶋伊斐諾神託祝曰不堪血臭矣因以卜之兆

云惡飼部等黥之氣故自是後頓絕以不黥飼

部而止之矣如有如風之聲呼於大虛曰劔刀

太子王也亦呼之曰鳥往來羽田之汝妹者羽

狹丹葬立往汝妹此云亦曰狹名來田蔭津之

命羽狹丹葬立往也俄而使者忽來曰皇妃薨

天皇大驚之便命駕而歸焉丙午自淡路至冬

十月甲寅朔甲子葬皇妃既而天皇悔之不洽

神崇而亡皇妃更求其咎或者曰車持君行於

筑紫國而悉按車持部兼取克神者必是罪矣
天皇則喚車持君以推問之事既實焉因以數
之曰爾雖車持君縱檢按天子之百姓罪一也
既分寄于神祇車持部兼奪取之罪二也則負
惡解除善解除而出於長渚崎令按袂既而詔
之曰自今以後不得掌筑紫之車持部乃悉收
以更分之奉於三神
六年春正月癸未朔戊子立草香幡梭皇女爲

皇后辛卯始建藏職因定藏部二月癸丑朔喚
鯉魚磯別王之女太姬即姬高鸛即姬納於右
宮並爲嬪於是二嬪恒歎之曰悲哉吾兄王何
處去耶天皇聞其歎而問之曰汝何歎息也對
曰妾兄驚住王爲人強力輕捷由是獨馳越八
尋屋而遊行既經多日不得面言故歎耳天皇
悅其強力以喚之不參來亦重使而召猶不參
來恒居於住吉邑自是以後廢以不求是讚岐

國造阿波國脚咋別九二族之始祖也三月壬
午朔丙申天皇玉體不愈水土不調崩于稚櫻
宮時年七十冬十月己酉朔壬子葬百舌鳥耳原陵
瑞齒別天皇 反正天皇

瑞齒別天皇去來穗別天皇同母弟也去來穗
別天皇二年立為立為皇太子天皇初生于淡
路宮生而齒如一骨容姿美麗於是カマキニスカタウルハレ有井曰瑞
井則汲之洗太子時多遲花落有于井中因為

太子名也多遲花者今鹿杖花也故稱謂多遲
比瑞齒別天皇

六年春三月去來穗別天皇崩

元年春正月丁丑朔戊寅儲君即天皇位秋八
月甲辰朔己酉立太宅臣祖木事之女津野媛
為皇夫人生香火姬皇女圓皇女又納夫人弟
弟媛生財皇女與高部皇子冬十月都於河內
丹比是謂柴籬宮當是時風雨順時五穀成熟

人民富饒天下太平是年也太歲丙午ニキハテ

六年春正月甲申朔丙午天皇崩于正寢オホトノニ

皇太后人坐香火...

日本書紀卷第十二

六年春三月...

...

...

...

日本書紀卷第十三

雄朝津間稚子宿祢天皇允恭天皇

穴穗天皇安康天皇

...

雄朝津間稚子宿祢天皇

雄朝津間稚子宿祢天皇

也天皇自岐嶽至於總角仁惠儉下及壯焉病

容止不便六年春正月瑞齒別天皇崩爰群婦

議之曰方今大鷦鷯天皇之子雄朝津間稚子
宿祢皇子與大草香皇子然雄朝津間稚子宿
祢皇子長之仁孝即選吉日跪上天皇之璽雄
朝津間稚子宿祢皇子謝曰我不天父離焉疾
不能步行且我既欲除病獨非奏言而密破身
治病猶勿差由是先皇責之曰汝患病縱破身
不孝孰甚於茲矣其長生之遂不得繼業亦我
兄二天皇愚我而輕之群卿共所知夫天下者

大器也帝位者鴻業也且民之父母斯則聖賢
之職豈下愚之任乎更選賢王宜立矣寡人弗
敢當羣臣再拜言夫帝位不可以久曠天命不
可以謙距今大王留時逆衆不正号位臣等恐
百姓望絕也願大王雖勞猶即天皇位雄朝津
間稚子宿祢皇子曰奉宗廟社稷重事也寡人
焉疾不足以稱猶辭而不聽於是羣臣皆固請
曰臣伏計之大王奉皇祖宗廟最宜稱雖天下

萬民皆以為宜願大王聽之。願大王聽之。願身宜聽天下
 元年冬十有二月妃忍坂大中姬命苦羣臣之
 憂吟而親執洗手水進于皇子前仍啓之曰大
 王辭而不即位位空之既經年月群臣百寮愁
 之不知所為願大王從群望強即帝位然皇子
 不欲聽而背居不言於是大中姬命惶之不知
 退而侍之經四五刻當于此時季冬之節風亦
 烈寒大中姬所捧鏡水溢而腕凝不堪寒以將

死皇子顧之驚則扶起謂之曰嗣位重事不得
 輒就。是以於今不從。然今羣臣之請事理灼然
 何遂謝耶。爰大中姬命仰歡則謂群卿曰皇子
 將聽羣臣之請。今當上天皇璽符。於是羣臣大
 喜。即日捧天皇之璽符。再拜上焉。皇子曰。群卿
 共為天下。請寡人。寡人何敢。遂辭。乃即帝位。是
 年也。太歲壬子。
 二年春二月丙申朔己酉立忍坂大中姬為皇

右是日為皇后定刑部皇后生木梨輕皇子名
 形大娘皇女境黑彦皇子穴穗天皇輕大娘皇
 女八鈞白彦皇子大泊瀨稚武天皇但馬橘大
 娘皇女酒見皇女初皇后隨母在家獨遊苑中
 時鬪雞國造從傍徑行之乘馬而莅籬謂皇后
 嘲之曰能作園乎汝者也汝此云那鼻苦也且曰歷乞
 戶母其蘭一莖焉戶歷乞此云異提皇后則採一
 根蘭與於乘馬者因以問曰何用求蘭耶乘馬

者對曰行山撥蟻也蟻此云摩愚那岐時皇后結之意
 裏乘馬者辭无禮即謂曰首也余不忘矣是後
 皇后登祚之年覓乘馬乞蘭者而數昔日之罪
 以欲殺爰乞蘭者顛捨地叩頭曰臣之罪實當
 萬死然當其日不知貴者於是皇后赦死刑貶
 其姓謂稻置
 三年春正月辛酉朔遣使求良醫於新羅秋八
 月醫至自新羅則令治天皇病未經幾時病已

差也イエヌ。天皇歡之タテマツ。厚賞タガハシ醫以歸于國。

四年秋九月辛巳朔己丑詔曰上古之治人民

得所姓名勿錯タカハシ。今朕踐祚於茲四年矣。上下相

爭百姓不安。或誤失己姓。或故認高氏。其不至

於治者。蓋由是也。朕雖不賢。豈非正其錯乎。羣

臣議定奏之。群臣皆言。陛下舉失正。枉而定氏

姓者。臣等冒死奏可。戊申詔曰。羣卿百寮及諸

國造等皆各言。或帝皇之裔。或異之天降。然三

才顯分以來。多歷萬歲。是以一氏蕃息。更為萬

姓。難知其實。故諸氏姓八等沐浴齋戒。各為盟

神探湯。則於味楹丘之辭。禍戶碑坐探湯。免而

引諸人。令赴曰。得實則全。偽者必害。盟神探湯

陀智。或。淫。或。納。金。黃。弗。攘。手。探。湯。星。或。燒。并。火。色。置。于。掌。於是諸人各著木

綿手。繼而赴。釜探湯。則得實者自全。不得實者

皆傷。是以故詐者愕然。之豫退無進。自是之後

五年秋七月丙子朔己丑地震先是命葛城襲
津彦之孫玉田宿祢主瑞齒別天皇之殯則當
地震夕遣尾張連吾襲察殯宮之消息時諸人
悉聚無闕唯玉田宿祢無之也吾襲奏言殯宮
大夫玉田宿祢非見殯所則亦遣吾襲於葛城
令視玉田宿祢是日玉田宿祢方集男女而酒
宴焉吾襲舉狀具告玉田宿祢宿祢則畏有事
以馬一匹投吾襲為禮幣乃密遮吾襲而殺于

道路因以逃隱武内宿祢之墓域天皇聞之喚
玉田宿祢宿祢疑之甲服襖中而參赴甲端自
衣中出之天皇分明欲知其狀乃令小墾田采
女賜酒于玉田宿祢爰采女分明瞻衣中有鏡
而具奏于天皇天皇設兵將殺玉田宿祢乃密
逃出而匿家天皇更發卒圍玉田家而捕之乃
誅冬十有一月甲戌朔甲申葬瑞齒別天皇于
耳原陵

七年冬十二月壬戌朔。于新室天皇親之撫
琴。皇后起儻儻既終而不言。禮事當時風俗於
宴會儻者儻終則自對座長曰奉娘子也。時天
皇謂皇后曰何失常禮也。皇后惶之復起儻儻
竟言奉娘子。天皇即問皇后曰所奉娘子者誰
也。欲知姓字。皇后不獲已而奏言妾弟名弟姬
焉。弟姬容姿純妙無比。其艷色徹衣而晃之。是
以時人号曰衣通。即姬也。天皇之志存于衣通

即姬。故強皇后而進。皇后知之不輒言禮事。天
天皇歡喜則明日遣使者喚弟姬。時弟姬隨母
以在於近江坂田。弟姬畏皇右之情而不參向
又重七喚。猶固辭以不至。於是天皇不悅而復
勅一舍人中臣烏賊津使主曰。皇后所進之娘
子弟姬喚而不來。汝自往之。召將弟姬以來。必
敦賞矣。妾烏賊津使主奉命退之。精裏祠中到
坂田。伏于弟姬庭中。言天皇命以召之。弟姬對

曰豈非懼天皇之命。唯不欲傷皇后之志耳。妾
雖身亡。不參赴時。烏賊津使主對言。臣既被天
皇命。必召寧來矣。若不將來。必罪之。故返被極
刑。寧伏庭而死耳。仍經七日。伏於庭中。與飲食
而不食。密食懷中之糶。於是弟姬以爲妾。因皇
后之嫉。既拒天皇命。且亡君之忠臣。是亦妾罪
則從烏賊津使主而來之。到倭春日。食于櫟井
上。弟姬親賜酒于使主。慰其意。使主即日。至京。

留弟姬於倭直吾子籠之家。復命天皇。天皇大
歡之美。烏賊津使主而敦寵焉。然皇后之色不
平。是以勿近宮中。則別構殿屋於藤原而居也。
適產大泊瀨天皇之夕。天皇始幸藤原宮。皇后
聞之。恨曰。妾初自結髮。陪於後宮。既經多年。甚
哉。天皇也。今妾產之死生。相半。何故當今夕。必
幸藤原。乃自出之。燒產殿而將死。天皇聞之大
驚。曰。朕過也。因慰喻皇后之意焉。

八年春二月幸于藤原。密察衣通姬之消息。是夕衣通即姬戀天皇而獨居。其不知天皇之臨而歌曰。和餓勢故餓勾倍。積豫臂奈利佐。嗟餓泥能區。茂能於虛奈比。虛豫比。辞流辞毛。天皇聆是歌。則有感情而歌之曰。佐嗟羅餓多。邇之積能臂毛弘。等積舍氣帝阿麻。哆絆泥受迹多。儻比等用能未明。且天皇見井傍櫻華而歌之曰。波那具波辞。佐區羅能梅涅。許等梅涅磨波。

椰區波梅涅。猶和我梅豆留古羅。皇后聞之。且大恨也。於是衣通即姬奏言。妾常近王宮而晝夜相續。欲視陛下之威儀。然皇后則妾之姊也。因妾以恒恨陛下。亦為妾苦。是以異離王居。而欲遠居。若皇后嫉意少息。與天皇則更興造宮室於河内。茅渟而衣通即姬令居。因此以屢遊。猶于日根野。

九年春二月幸茅渟宮。秋八月幸茅渟。冬十月

幸茅渚

十年春正月幸茅渚於是皇后奏言妾如毫毛
非嫉弟姬然恐陛下屢幸於茅渚是百姓之苦
仰願宜除車駕之數也是後希有之幸焉
十一年春三月癸卯朔丙午幸於茅渚宮衣通
即姬歌之曰等虛辭陪邇枳彌母阿閑椰毛異
舍儻等利宇彌能波摩毛能余留等枳等枳弘
時天皇謂衣通即姬曰是歌不可聆他人皇后

聞必大恨故時人号濱藻謂奈能利曾毛也先
是衣通即姬居于藤原宮時天皇詔大伴室屋
連曰朕頃得美麗孃孃是皇后母弟也朕心異
愛之冀其名欲傳于後葉奈何室屋連依勅而
奏可則科諸國造等為衣通即姬定藤原部
十四年秋九月癸丑朔甲子天皇獵于淡路嶋
時麋鹿猿猪莫莫紛紛盈于山谷
終日以不獲一獸於是猶止以更卜矣鳴神崇

之曰不得獸者是我之心也。赤石海底有真珠
其珠祠於我則悉當得獸。爰更集處處之白水
即以令採赤石海底。海深不能至底。唯有一海
人曰男狹磯。是阿波國長邑之海人也。勝於諸
海人是腰繫繩入海底。差頃之出曰。於海底有
大螻。其處光也。諸人皆曰。鳴神所請之珠。始有
是螻腹乎。亦入採之。爰男狹磯抱大螻而泛出
之。乃息絕以死。浪上既而下繩測海底六十尋

則割螻實真珠。有腹中其大如桃子。乃祠鳴神
而獵之多。獲獸也。唯悲男狹磯入海死之。則作
墓厚葬。其墓猶今存之。

二十三年春三月甲午朔庚子。立木梨輕皇子
為太子。容姿佳麗。見者自感。同母妹輕大娘皇
女亦艷妙也。太子恒念合大娘皇女。畏有罪而
默之。然感情既盛。殆將至死。爰以為徒非死者
雖有罪。何得忍乎。遂竊通。乃悒懷少息。因以歌

之曰阿資臂紀能。椰摩娜烏免約利。椰摩娜箇
弥斯哆媚烏。和之勢。志哆那企貳。和餓儼勾免
摩箇哆儼企貳。和餓儼勾免摩。去罇去魯。椰主
區津娜布例。

二十四年夏六月。御膳羹汁。凝以作冰。天皇異
之。卜其所由。卜者曰。有內亂。蓋親親相殺乎。時
有ノ曰。木梨輕太子。姪同母妹輕大娘皇女。因
以推問焉。辭既實也。太子是為儲君。不得罪則

流輕大娘皇女於伊豫。是時太子歌之曰。於褒
企彌烏。志摩珥波夫利。布儼阿摩利。異餓幣利
去牟鋤。和餓哆哆。由璫去等烏。許魯哆多。泐
等異絆梅。和餓免摩烏。由梅。又歌之曰。阿摩儻
霧箇留惋。等賣異哆儼介。麼臂等資利。奴陪泐
幡舍能。夜摩能波。刀能資哆儼企。邇奈勾
四十二年春正月乙亥朔戊子。天皇崩。時年若
干。於是新羅王聞天皇既崩。驚愁之。貢上調船

八十艘及種種樂ハタタヒ八十是泊對馬而大哭到
筑紫亦大哭泊于難波津則皆素服之アサノキスギ悉捧御
調且張種種樂器自難波至于京或哭泣或歌
僂遂參會於殯宮也冬十一月新羅吊使等喪
禮既闋而還之爰新羅人恒愛京城傍耳成山
畝傍山則到琴引坂顧之曰宇泥咩巴椰弥弥
巴椰是未習風俗之言語故訛畝傍山謂宇泥
咩訛耳成山謂泚泚耳時倭飼部從新羅人聞

是辭而疑之以爲新羅人通采女耳乃返之啓
于大泊瀨皇子皇子則悉禁固新羅使者而推
問時新羅使者啓之曰無犯采女唯愛京傍之
兩山而言耳則知虛言皆原於是新羅人大恨
更截貢上之物色及船數冬十月庚午朔巳夕
葬天皇於河內長野原陵

穴穗天皇 安康天皇

穴穗天皇雄朝津間稚子宿祢天皇第二子也
一云第母曰忍坂大中姬命稚淳毛二岐皇子
三子也
之女也。四十二年春正月天皇崩冬十月瘞禮
畢之是時太子行暴虐淫于婦女國人謗之群
臣不從悉隸穴穗皇子爰太子欲襲穴穗皇子
而密設兵穴穗皇子復與兵將戰故穴穗括箭
輕括箭始起于此時也時太子知羣臣不從百

姓乖違乃出之匿物部大前宿祢之家穴穗皇
子聞則圍之大前宿祢出門而迎之穴穗皇子
歌之曰於朋摩弊烏摩弊輸區塗餓訶那社加
礙訶區多智豫羅泥阿梅多知夜梅牟大前宿
祢答歌之曰泚椰比等能阿由臂能古輸猶於
智珥岐等泚椰比等等豫牟佐社旃等茂由梅
乃啓皇子曰願勿害太子臣將議由是太子自
死于大前宿祢之家伊豫國十二月己巳朔壬

午穴穗皇子即天皇位尊皇后曰皇太后則遷都于石上是謂穴穗宮當是時大泊瀨皇子欲聘瑞齒別天皇之女等見諸記於是皇女等對曰君主恒暴強也儻忽念起則朝見者夕被殺夕見者朝被殺今妾等顏色不秀加以情性拙之若威儀言語如毫毛不似王意豈為親乎是以不能奉命遂遁以不聽矣
元年春二月戊辰朔天皇為大泊瀨皇子欲聘

大草香皇子妹幡梭皇女則遣坂本臣祖根使主請於大草香皇子曰願得幡梭皇女以欲配大泊瀨皇子爰大草香皇子對言僕頃患重病不得愈譬如物積船以待潮者然死之命也何足惜乎但以妹幡梭皇女之孤而不能易死耳今陛下不嫌其醜將滿荐菜之數是甚之大恩也何辭命辱故欲呈丹心捧私寶名押木珠纒一云立纒又附所使臣根使主而敢奉獻願物云磐木纒


雖輕賤納爲信レ。於是根使主見押木珠レ。感レ其麗美以爲盜爲已寶則詐之奏天皇曰大草香皇子者不奉命乃謂臣曰其雖同族豈以吾妹得爲妻耶既而留縵入已而不獻於是天皇信根使主之讒言則大怒之起兵圍大草香皇子之家而殺之是時難波吉師日香蚊父子並仕于大草香皇子共傷其君无罪死之則父抱王頸二子各執王足而唱曰吾君無罪以死之

悲乎我父子三人生事之死不殉是不臣矣即自刎之死於皇尸側軍衆悉流涕爰取大草香皇子之妻中蒂姬納于宮中因爲妃復遂喚幡梭皇女配大泊瀨王子是年也大歲甲午二年春正月癸巳朔己酉立中蒂姬命爲皇后甚寵也初中蒂姬命生肩輪王於草香皇子乃依母以得免罪常養宮中三年秋八月甲申朔壬辰天皇爲肩輪王見執

辭具在大泊
瀨天皇記
三年後乃葬菅原伏見陵

日本書紀卷第十三

終



[Faint bleed-through text from the reverse side of the page, including characters like '五月', '大泊', '葬菅原', and '伏見陵']

